

Te taata 'toa, e ere te Tavana e te haava, o tei hanaaro i te hoe hohoa o tei enei *vea*, au fau mai ia, e 3 farane no na avae etoru.

Faanu mai ia Tepito te nei parau i Papeete.

TE VEA NO TAHITI,

Ei haaparare raa i te parau rii api e faufaa hia i to te mau fenua i roto i te Hau Tamaru; e neia i te mau mahana maha toa.

O te feia hoo taata, e te mau taata e haapao i te tau raa taata, e tia ia ia nenei atoa hia ta ratou mau parau faate i roto i renei *vea*, ia au fau mai ratou 1 farane no te renei hoe.

Faanu mai ia Tepito te nei parau.

Parau faate i te mau tavana, te haava, te hui-raatira, e te feia toroa' toa, o te mau mataeinaa.

No faate hia mai nei te tavana e, i roto i na avae i mairi aenei, na riro ia mataeinaa e rave-rahi, ei vai raa no te peapea rahi, e ei tupu raa hoi no te taiata o te au ia faahapa roa hia. I raro ae hoi i te ioa ra o te *UPAUPA*, te amui haere ra ratou i roto i te pupu rarahi taiata e tetaero ava, o te au ia faautua roa hia e te ture. Te faa taiata haere ra te satu e te raatira o taua mau upaupa ra, i te mau tamahine api, te tamarii tamaroa api, e i te man vahine tara tane atoa hoi, e na faariro ia ratou ei ravea no te faatia raa i te mau peu i hau e roa i te haama e te faufau. O te tae-ro ava e te taiata, na ohipa mau i titau hia e taua mau amui raa faatia peu au ore ra. Te manao ra hoi te feia' toa i roto i taua mau upaupa ra e, e tia ia ratou ia parahi faatau noa na, a tia-turi noa mai ai i nia i te paruparu e te vare noa o te taata. Ia tia ra hoi to ratou parahi raa i roto i taua mau amui raa faufau. e te faatupu peapea ra, te faarue nei ia te tamarii i te haapii raa, te mau polii e te vahine. te faarue nei ia i te fare o to ratou mau metua, te mau tane, te faarue ra ia i te ohipa i nia i to ratou mau fenua, e i roto hoi i te mau aua hau. O taua peu huru e ra hoi, o tei faahapa hia, e o tei faautua hia e te ture, o te maa vahi ia i toe mai no roto i te anotau ete-ne ra, o tei huru moe roa ia ratou i teienei; oia hoi te mau arioi, e amui raa taiata faufau roa ia, o te ori haere na roto i te mau mataeinaa ' toa, e te faatupu haerea i taua mau peu faufau e te haama ra, e moe e roa' i te haapao raa maitai e te nehenehe, e e upootia roa' i te hara i nia roa. Ia opua papu roa te Hau e vai nei, e e faaore roa i taua mau peu haama no tetahi anotau era. E tia noa ia te ture i faaore i te reira; ia haamana hia ra taua ture ra e tia, e e haamana mau hia taua ture ra a muri nei. Te faate faahou hia' tu nei taua ture ra ionei, ia ore roa hoi ia vai maua noa e te taata; teie taua ture ra:

TURE VI.

E ture no te upaupa te faatupu i te peapea, e peapea i te mau taata no teienei fenua, e te faaore i te haapao raa maitai o te feia api.

Irava 1.

Te faaore hia nei te upaupa i te mau fenua' toa i roto i teienei Hau Tamaru. I te mau mahana rarahi amu raa maa ra, e te mau mahana rarahi faaarearea raa ra, e tia ia upaupa noa mai te rave ore i te mau peu ino haama ra.

Irava 2.

Mai te mea ia ore teienei faaore raa ia haapaohia, e ia tupu te upaupa i te hoe vahi no teie nei fenua, eia faaue hia te maa no tei reira upaupa; na te haava mataeinaa e faaue e tapea i te feia i rave i teienei hara, e na te mau mutoi e aratai mai i taua mau taata ra i Papeete, haava' i e faautua' i; tera te utua no te taata hoe, hoe avae i te rave raa i te ohipa na te Hau, e te utua moni e pae ahuru farane, hoe ahuru na te Hau Tamaru, hoe ahuru na te tavana mataeinaa, hoe ahuru na te haava, e piti ahuru na te mau mutoi.

Irava 3.

Ia faatia te hoe tavana ia rave noa hia te maa na te upaupa i roto i tona mataeinaa, e haava hia ia tavana; dia toa hoi ia ore oia ia faaore i te haaputuputu raa taata no te upaupa i tona mataeinaa.

Mai te mea ia ite te feia toroa no te mataeinaa e te faatupu hia ra te upaupa, e aore i faate atu i te tavana no taua mataeinaa ra, e haavahia ia taua feia toroa ra e e faautua hia, tera te utua e faate mai i te parau no taua haava raa ra i te Arii vahine e te Auvaha no te Arii to Ffrani, e na raua e faaore i te ratou toroa.

Irava 4.

Te mau fare faatia hia ei haaputuputu raa taata no te upaupa, e afai hia ia i te tahi vahi e, e faariro hia ei fare pure raa, ei fare haapii raa, ei fare haava raa, e ei fare Apoo raa.

Irava 5.

Te faatia hia nei e teienei ture te mau peu rii faaarearea noa raa i roto i te fetii, mai te faatai i teohe, te vivo, te titapu, e te mau mea rii faaot o hia ra, te ute hoi e te huro rii maitatai ra, te popo raa e te tue raa, te faatito raa moa, te rore, te ta, te apere raa, te patiafa e te mau peu rii tia e te haama ore ra.

Irava 6.

E tia i te tavana mataeinaa e te haava ia faatia i te taata ia perenoa i te pere rii parau, mai te mea, aore e pere raa i te moni.

A faaore hia ra hoi te peapea i roto i taua mau haapao raa riaria ra, aita roa ia te tavana i opua noa' e, e e faaere roa i to te fenua' toa nei, i te faaarearea raa rii nehenehe, e te faamaha raa aho hupehupe ore. Aita roa' tu hoi e ino i roto i te ori raa rii nei; ia faariro hia ra ei tumu no te faatia raa i te peu iino, e te mau hanaaro tia ore, ei reira tura ia e ino ai. I teiene;

ra, o te faatitiaifaro raa i taua ori raa ra, ia te hau e haapao iho, te faaore raa i te mau peu haama, e te mau mea toa hoi e ore ai te haapao raa maitai. I teienei ra, e ore roa' tu e tia noa' e ia faatupu i te ori raa, maori ra ia faatia' hia e te feia toroa; ei te ao ori ai, i te vahi atea, i mua mau i te mata o te mau metua tane e te metua vahine, te tavana, te haava e te mau mutoi o te matacinaa, o tei haapao hia ei faaore i te pea-pea, e ei faatupu i te maitai, e i vetahi tau mahana i faataa hia' nae ra. Ei faataa maitai raa ra i taua mau mea' toa ra, i faatia hia' i teienei faaue raa i muri nei :

IRAVA 1.

O te mau taata' toa no Tahiti nei, i hinaaro i te faatia i te ori raa ra, e mata na ia i te ani atu i te Auvaha o te Tavana, i Teaharoa, i tevaiuta e i Taia rapu, e aore ra, i te auvaha o te paeau Tahiti.

IRAVA 2.

Na te auvaha o te paeau Tahiti, e aore ra, na te Auvaha o te Tavana i Tevaiuta i Teharoa, e i Taiarapu e faataa iho i tehoe mahana no taua ori raa i ani hia mai ra, Eimahana maa anae ra hoi te faataa hia' tu.

IRAVA 3.

Na te tavana o te matacinaa e faataa iho i te vahi atea, ei reira taua feia ori ra e haaputupu ai; eiaha roa tu hoi ei ori raa i muri ae i te hora vau i te ahiahi.

IRAVA 4.

O te tariparau, e te mau peu atoa no te faaarearea raa ra, e vaiho anae hia ia i roto i te rima o te tavana matacinaa, e e ore roa' tu e tia iana ia tuu i taua mau peu ra, maofi ra i te feia' nae ra i faatia hia' tu na roto i te parau papai, e e faatupu i te ori raa.

IRAVA 5.

O te mau faahapa' toa raa hia o teienei faaore raa, e faatua hia ia i te utua tapea, ia hoe ahuru ae mahana e tae noa' tu i te avae hoe.

Papeete, te 9 no Mati 1853.

*Te Tavana, te Auvaha o te Repupirita,
Papaihia : PAGE.*

Mai te au i te faaue raa a te Tavana. te Auvaha o te Repupirita, I te mahana monire i mairi aenei, te 7 no Mati, i haere ai te auvaha ra o Varetu, e vavahi e e tutui, i te mau fare' faariro hia ei haapu raa, e ei faatupu raa i te mau peu taiata. Ia te mau nana upaupa i Papara.

*Te mau pahi i tapae mai, mai te mahana 4 mai
a no Mati.*

Tira hoe no Huahine o ANNE, tapena Jem, mai Huahine mai.

Tira piti no Kili, o LA SERENA, tapena Carrazahal, mai Valaparaíso mai.

Te mau pahi i reva.

Patia ia marite o NATCHEZ, tapena Hall, ua reva e patia i te ia.

Tira toru marite o HARIET, tapena Anson, ua reva i Hitiaa.

Tira piti sarani o HANAH, tapena Bennett, ua reva i te Tuamotu.

Patia ia marite o GEORGE VASHINGTON, tapena Edwards, ua reva i Raiatea.

Te eè no te Tavana : BRIOT.